

醫方類聚卷之七十四

咽喉門二

聖惠方二

治咽喉中如有物妨悶諸方

夫咽者胃之系喉嚨者肺氣之所通若陰陽
和平榮衛調適則氣道宣暢也若藏腑不和
肺脾壅滯風邪熱氣搏於經絡蘊積不散上
攻於咽喉故令咽喉中如有物妨悶也亦有
愁憂思慮五藏氣逆胃膈痰結則喉中如哽



甚則咽喉腫痺也

治咽喉中如有物噎塞不通吞不能入吐不能出宜服木香散方

木香半兩犀角屑二兩玄參一兩羚羊角屑一兩

桑根白皮一兩川升麻一兩紫雪二兩射干一兩

檳榔一兩

右件藥搗麤羅為散每服三錢以水一中

盞煎至六分去滓不計時候溫服

治咽喉中如有肉癢嚥之不下吐之不出悶

亂宜服犀角散方○御藥院方射干散治咽

喉中如有物妨悶噎塞疼痛悶亂嚥物不下

犀角屑三分射干一分桔梗三分木香半兩訶

梨勒皮一分紫蘇子一分枳殼一分微黃一分蘇炒一分甘草

半兩炙一分川升麻一分檳榔一分赤茯苓一分木通

半兩

右件藥搗麤羅為散每服三錢以水一中

盞煎至六分院方去滓不計時候溫服

治咽喉中如有物妨悶噎塞不下食宜服訶

梨勒散方

訶梨勒皮分三人參半兩去蘆頭桂心兩半甘草兩半

赤剉陳橘皮半兩湯浸檳榔兩半

右件藥搗麤羅為散每服三錢以水一中

盞入生薑半分煎至六分去滓不計時候

溫服

治咽喉中如有物吞嚥不下宜服此方

半夏一兩湯洗陳橘皮一兩湯浸桂心一兩

訶梨勒皮一兩

右件藥搗麤羅為散每服三錢以水一中

盞入生薑半分煎至六分去滓不計時候

溫服

治咽喉中如有炙腐半夏散方

半夏一兩半湯洗厚朴一兩去蘆皮塗赤

茯苓壹兩紫蘇葉兩訶梨勒皮半兩枳殼一兩

麩炒微黃

右件藥搗麤羅為散每服三錢以水一中

盞入生薑半分煎至六分去滓不計時候

溫服

治咽喉中如有物噎塞射干散方

射干兩桂心一分枳實三分半夏七分湯洗去滑

訶梨勒皮二川升麻一分木通壹兩前胡

參分去大腹皮參分

右件藥搗麤羅為散每服四錢以水一中

盪入生薑半分煎至六分去滓不計時候

溫服

又方聖濟總錄石蓮湯

石蓮子一分人參一分杵頭糠一分

右件藥搗麤羅為散每服二錢以水

一中盪煎至五分去滓不計時候溫

服總錄去滓服

治咽喉中如有物妨悶或在左或在右名曰

蠱蓋緣積風熱於咽喉之間多為此疾先須

深針結聚之處使毒氣散後宜服大黃散方

川大黃半兩碎微炒牛蒡子一兩甘草半兩炙

右件藥搗麤羅為散每服三錢以水一中

蓋入生薑半分煎至六分去滓不計時候
溫服

治咽喉中有物如彈丸日數深遠津液難嚥
發歇疼痛卽須深針腫結處散盡毒氣後服
令化竜腦丸方

竜腦一分川升麻一分甘草半兩炙馬牙消

一麝香一分鍾乳粉一分川大黃半兩碎微炒黃

耆一兩生地黄五兩取汁

右件藥搗羅爲末入研了藥研令勻以地

黃汁相和更入鍊了蜜和丸如桐子大不
計時候以絲裹一丸含嚥津以咽喉通利
爲度

治咽喉中如有物嚥唾不得宜服此方

半夏一七枚破如碁子大湯洗七遍去滑

右以雞子一枚打破其頭出却黃白內半

夏并入醋於殼中令滿微火煎去半夏候

出冷飲之卽愈

夫只治尸咽喉痒痛諸方

夫尸咽者謂人腹內尸蟲上蝕於喉咽生瘡也此皆陰陽不和脾肺壅滯風熱毒氣在於藏腑不能宣通故令尸蟲動作止蝕咽中或痛或痒如蟻之候者是也

治尸咽喉風熱毒氣上攻咽中痒痛宜含化金露丸方

朱砂錢一白礬生一分甘草半兩擣羅為末鉛霜錢一麝香錢一太陰玄精一分蛇蛻皮叁條令者去頭復時流出曝令乾炒令焦黃色

右件藥都研令勻鍊蜜和丸如皂莢子大每於食後及夜臥時用薄繻裹壹丸含化射干

治尸咽喉痒痛不利朱砂丸方

朱砂一兩細研水飛過川升麻一兩雄黃一兩細研杏人一兩湯浸去皮尖鬼白兩一甘草一兩炙射雙人麝香半兩干兩麝香細研

右件藥擣羅為末入研了藥令勻鍊蜜和擣三二百杵丸如梧桐子大不計時候以

粥飲下五丸至七丸

治尸咽喉痒痛語聲不出宜服此方

乾薑末一錢 酒半盞 酥一錢

右件藥一處調和空腹溫過服之

又方五倍子半兩 黃蘗半兩 川升麻三分 甘草一分

炙微赤 射干兩半

右件藥搗麤羅為散每服三錢以水一小

盞煎至四分去滓不計時候溫服

又方射干兩 薔薇根皮兩 甘草半兩 微赤到

右件藥搗麤羅為散每服三錢以水一中

盞煎至六分去滓不計時候溫服

治尸咽喉內痛欲失聲者宜服此方聖濟總錄名杏

散人

桂心兩 杏仁二兩 湯浸去皮尖 蕪荑兩 壹

○總錄炒

夫右件藥搗羅為末以絲裏如杏人大含嚥

津消盡更服神方同 ○總錄右三味搗研

為散每服一錢匕絲裏含化嚥津消盡再

用日三五服

治馬喉痺諸方

夫馬喉痺者謂熱毒之氣結於喉間腫連頰骨微壯熱煩滿而數吐氣呼之為馬喉痺也

治馬喉痺頰面腫滿宜犀服角散方

犀角屑

牛兩

射干

三分

桔梗

三分去蘆頭

馬藺根

三分

判甘草

半兩

川升麻

兩半

右件藥搗麤羅為散每服三錢以水一中蒸入竹葉七片煎至六分去滓入馬牙消

一錢攪令勻細細含嚥

治馬喉痺頰腫咽痛竜腦散方

白竜腦

細研

牛黃

細研

犀角屑

羚羊角屑

馬牙消

細研

玄參

沉香

朱砂

細研

甘草

赤剉已上各一分

川升麻

半兩

鵬砂

壹錢細研

右件藥搗麤羅為散每服三錢以水壹中

蒸入竹葉七片煎至六分去滓入馬牙消

壹錢攪令勻細細含嚥○聖濟總錄右一

十一味除龍腦牙消搗篩為散每服三錢

七水一盞竹葉七片煎至六分去滓温入
龍腦馬牙消壹錢攪令勻細細含嚙

治馬喉痺并毒氣壅塞方

桔梗二兩去蘆頭剉

右以水三大盞煎至壹盞去滓不計時候
分温二服

又方○聖濟總錄治馬喉痺腫連頰吐氣方

生薑二斤 蜜兩

取汁兩 右件藥以微火煎令得所每服一合日四

五服

又方右取馬蘭根燒灰細研燒桑枝瀝汁調
下一錢

治咽喉脛外腫痛諸方

夫咽喉頸外腫痛者由風熱毒氣客於經絡
肺脾壅滯氣不宜通風毒上攻於咽喉搏於
氣血氣血凝滯榮衛不行故喉咽及頸外結
聚腫痛也

治咽喉壅塞頸領腫痛宜服此方

川升麻一兩 漏蘆兩半 木通叁分 赤芍藥叁分 桑

根白皮叁分 川大黃叁分 枳殼半兩 麩炒微黃去瓢

甘草半兩 漢防己叁分 右件藥搗籠羅為散每服三錢以水一中

盞煎至六分去滓不計時候溫服

又方川大黃一兩 碎微炒 川升麻一兩 射干一兩 甘草

半兩 玄參一兩 羚羊角屑半兩 右件藥搗篩為散每服三錢以水一中盞

煎至六分去滓不計時候溫服

治咽喉頸外腫痛黃膏方

木鼈子十枚 土瓜根一兩 黃連半兩 黃耆一兩

菰蘆根二兩 黃蘗一兩 消石一兩 馬牙消一兩 芸

臺子二兩 川大黃二兩 麝香一錢 右件藥搗細羅為散入麝香研令勻以生

油旋調可腫處傅之有菜油調更佳乾即

再傅

又方山豆根 沉香 麝香 木香 黃蘗

川大黃

沉香 麝香 木香 黃蘗

川大黃

沉香 麝香 木香 黃蘗

川大黃

沉香 麝香 木香 黃蘗

川大黃

沉香 麝香 木香 黃蘗

右件藥等分搗細羅為散研入麝香令勻以水調為膏塗貼腫處

治咽喉頸外腫及咽乾痛方

生黑豆黃合一蜀葵心合一

右二味入少鹽同搗為膏傅腫上日三兩

度差

又方神巧萬全方治尸咽牛蒡子叁兩搗碎

二兩鹽二兩

右炒令熱熨腫上立效

又方右以皂莢炙黃煨去皮子搗羅為末以水調傅之

治懸癰腫方

夫懸癰者為音聲之關也喉嚨者氣之所上下也五藏六腑若有伏熱上衝於咽喉則熱氣乘於懸癰故令或長或腫也

治懸癰腫痛不下飲食宜服玄參散方

玄參一兩直川升麻半兩射干半兩川人黃半兩刺碎微炒甘草一分炙微赤直指方各一分

右件藥搗麤羅爲散每服三錢以水直指
水一中盞煎至六分簡易方七分衛生質
分去滓放溫時時含嚙簡易方此下云又
治心脾壅熱方去射干加犀角
木舌腫脹

治懸癰腫痛鵬砂散方

鵬砂半兩○嚴氏馬牙消半兩○濟滑石
寒水石半兩○濟生方龍腦參錢○濟
白礬壹錢○濟生方白礬壹錢半
右件藥研令極細每服不計時候以新汲

水調下半錢

治懸癰腫痛喉咽不利胃中煩熱宜服此方

射干壹兩玄參半兩川升麻半兩白礬半兩白藥半兩

黃藥半兩天竹黃壹兩犀角屑半兩馬牙消

甘草半兩

右件藥搗羅爲末入研了藥令勻鍊蜜和

搗三二百杵丸如小彈子大不計時候以

絲裏一丸含嚙津

又方射干半兩木鼈子一分甘草半兩杏仁半兩

湯浸去皮尖雙一分川大黃一分碎微炒川升麻一分

右件藥搗羅為末鍊蜜和丸如小彈子大

常含一丸嚥津

治懸癰神功萬全垂長咽中妨悶直指方懸癰腫痛

白礬散方

白礬一兩燒灰○瑣碎錄新瓦上飛過搥花一兩○瑣碎錄炒聖濟總

錄別

右件藥同細研為散以筋頭點在懸癰上

差易簡方衛生

治懸癰腫脹疼痛鈎霜散方

鈎霜一分甘草一分半生半熟搗羅為末

右件藥都研為散每服以絲裏半錢含嚥

津卽差

治懸癰卒腫方

硃砂錢半

右以絲裏細細含嚥津卽差瑣碎錄事林廣記同

治咽喉腫痛語聲不出諸方

夫喉嚨者為氣之道路會厭者是音聲之門

戶若風邪熱毒在於脾肺則陰陽不和氣道
否澀上膈壅塞風熱之氣上衝咽喉攻於會
厭故令腫痛語聲不出也

治咽喉腫痛脾肺壅毒語聲不出宜服此方

木通一分 杏仁三分湯浸去皮尖 菖蒲分

川升麻分 羚羊角分 麩分 麥門冬分 射干

參分 甘草壹分炙

右件藥搗篩為散每散三錢以小壺中盞
煎至六分去滓不計時候溫服

治肺脾氣滯風冷所傷咽喉腫痛語聲不出
宜服此方

桂心兩壹 木通壹兩 防風壹兩去 射干兩壹附

子壹兩炮裂 桔梗壹兩去 人參壹兩去 獨

活兩壹 羚羊角兩壹 杏仁雙兩湯浸去皮尖

右件藥搗篩為散每服三錢以水一中盞

入生薑半分煎至六分去滓不計時候溫

服

治咽喉腫痛聲嘶不出生薑膏方

生薑升壹 牛髓兩 參麻油兩 酥二兩 芎藭二兩 獨活壹兩 秦椒一兩 及閉口者桂心壹兩 防風壹兩 蘆頭壹兩

右件藥搗羅為末內薑汁中煎至相淹濡下髓酥油等攪令勻以慢火煎成膏每服不計時候以溫酒調下半錢

又方生薑汁二 生地黄汁五 桂心末半 杏人一兩 湯浸去皮尖 雙蜜合 牛酥合 右件藥相和熬令稠每服不計時候含杏

核犬嚙津

治咽喉腫痛語聲不出宜服菖蒲丸方

菖蒲二兩 孔公孽一分 細研○ 聖木通一兩

總錄二 皂莢壹挺 長壹尺者去黑皮

右件藥搗羅為末鍊蜜和丸如梧桐子大每服不計時候煎鬼箭羽湯下二十九漸加至三十丸

又方桂心去壹兩 杏人二兩 湯浸去皮尖

右件藥相和研令勻鍊蜜和丸如杏核大

生薑汁 薑身 薑皮 薑日 二千五 薑身 二蜀

常含壹丸細細嚥津

又方右以鼓半升以水二大盞煎至壹大盞
去滓分爲二服相繼稍熱服之令有汗出
差

治咽喉生穀賊諸方

夫穀賊者禾裏有短穗而強澀者是也誤作
米而食之則令喉裏腫結不通致風熱氣衝
於喉間與血氣相搏則生腫結如食飲疼痛
妨悶故謂之喉中生穀賊不急治之亦能殺

人也

治咽喉生穀賊疼痛方

重臺半兩赤色者 木鼈子人兩 川大黃半兩到碎微炒

馬牙消兩半 夏一分湯洗 通去滑

右件藥搗羅爲末鍊蜜和丸如櫻桃大以
絲裏壹丸含嚥津

治咽喉生穀賊腫痛含化射干丸方

射干兩半 山柑皮兩半 山豆根一分 黃藥一分 川升
麻兩半 消石一分 甘草一分炙微赤剉

右件藥擣羅爲末鍊錫和丸如櫻桃大不計時候絲裏壹丸含化嚙津

治咽喉生穀賊若不急治亦能殺人宜含乳香丸方

乳香半分硃砂一分琥珀半兩松脂半兩

右件藥聖濟總錄此擣研爲末總錄此下有再同和

勻四化黃總錄此蠟和丸如雞頭實大常含

壹丸嚙津以差爲度

又方聖濟總錄治穀賊衝咽喉兩頰上腭右舌下暴腫嚙物妨悶疼痛方下同

以針刺破令黑血出後含馬牙消壹小塊

子嚙津卽差

又方右以馬牙消細研絲裏半錢含化嚙津

以差爲度

治咽喉生癰諸方

夫六腑不和血氣不調風邪客於喉間爲寒

所折氣壅而不散故結而成癰也凡結腫一

寸爲癰一寸至五寸爲癰也

治咽喉中生癰瘡腫痛宜服犀角散方

犀角屑一兩 玄參一兩 黃耆一兩 黃芩一分 絡石

參一分 敗醬一分 白欬一分 川大黃一分 甘草一分

赤一分 右件藥搗麤羅為散每服三錢以水壹中

蒸煎至六分去滓入川朴消壹錢攪令勻

不計時候溫服

治喉中有瘡唾血不下食宜服此方

黃耆一兩 露蜂房一分 薔薇根一分 絡石

射干一分 羚羊角屑一分 甘草一分 川大

黃一兩 玄參一兩

右件藥搗麤羅為散每服四錢以水壹中

蒸煎至六分去滓不計時候溫服

治咽喉卒生癰腫飲食不通方右燒秤錘令

赤內壹蒸醋中令沸沸止飲之

又方右以炊箒燒灰細研為散每服以漿水

調下壹錢

又方右以白頸地龍十四枚搗研以塗喉外

又亦治癰發喉中壹合熱藥為末以糊隨塗

又方右以赤小豆壹合搗羅爲末以醋調塗之差

治諸魚骨鯁諸方

治食諸魚骨鯁久不出方右以皂莢末少許

吹鼻中使得嚏經驗良方新效方鯁出多

秘此方禮云魚去乙謂其願問有骨如乙

字形者鯁人不肯出故也神功萬全方同

治食魚骨鯁方右以魚鱗燒灰細研小調壹

錢服之○肘後方療魚鯁骨橫喉中六七

天目不出取鯉魚鱗皮合燒作屑以水服之

則出未出更服壽域神方衛生易簡方同

治魚骨鯁在喉中衆法不出方右含水獺骨

立出或爪亦得○得效方獺爪衛生易簡方作足

於咽喉下外爬自下經驗良方同易簡方云亦煮汁服壽

域神方用水獺爪項下爬之如得獺肚生

嚙最佳

又方右以薔薇根搗細羅爲散每服以水調

煮錢服之○衛生易簡方治鯁及刺不出

用薔薇根末水調方寸七日三服

又方右以鼠腦厚塗鰓上則出亦可用鼠更
佳

又食魚骨鰓橫喉中三五日不下方右以鴈
糞燒灰細研以水調壹錢服之

又方右以東流水壹杯東向坐以手指水上
書龍字訖飲之如不會書者即令他人書

亦得神巧萬全方備
預百要方同

又方右以碯砂半錢口中阻嚼嚥之立下

治食諸肉骨鰓方聖濟總錄名右以白雄雞

左右翮大毛各一莖燒灰細研以水調服

之及取所食者骨左右反覆擲背後則下

也○總錄右壹味就銅器中燒作灰每服

壹錢匕米飲調下

又方右以雞足一對燒灰細研以溫水調服

神巧萬全方同

治誤吞諸物諸方分并平治諸小兒

治誤吞鈎線聖濟總錄此下有方若猶總錄
在喉中不出五字

繩在手中者莫引之但急以珠璫若薏苡子輩穿貫著線稍稍令推至鈎處小小引之則出

又方右以常思草頭一把細剉以水煮大盞淘十餘遍飲之

又方右以螻蛄摘去身但吞其頭數枚勿令鯁人知○肘後方療鯁螻蛄腦一物吞亦治刺不出傳之刺卽出聖濟總錄治諸鯁并刺不出螻蛄散方螻蛄頭一枚右一物爲

散以絲裹嚙津勿令鯁人知若刺不出者以塗刺瘡上自出耳

治誤吞鈎方

衛生易簡方治魚鯁骨橫喉中

右以琥珀珠著

線貫之推令前入至鈎

易簡方至鯁所

又復推以

牽引出矣或水精珠亦佳無珠諸堅實物磨令滑鑽作孔用之

治誤吞錢不出方右煮葵菜汁冷飲之卽出

○聖濟總錄葵菜不以多少絞取汁冷飲之卽出衛生易簡方用冬葵根煮汁飲之

卽出神効若天行病食葵頓喪明

治誤吞諸竹木方右以布刀故鋸燒赤投酒

中飲之神巧萬全方同○肘後方故鋸無毒主誤

吞竹木入喉咽出入不得者燒令赤漬酒

中及熱飲並得壽域神方同

又方若是誤吞桃枝竹木但數數多食白糖

卽自消化神巧萬全方同

又方若以銀釵簪擦眈因吸氣誤吞不出者

多食白糖漸漸至數斤當裏物自出

和劑局方

咽喉

竜石散治大人小兒上膈壅毒口舌生瘡咽

喉腫塞疼痛妨悶每用少許摻貼患處嚙津

小兒瘡疹毒氣攻口齒先用五福化毒丹掃

後仍再用此藥摻貼立効

生腦子研二錢半朱砂兩半寒水石燒通赤二斤

右爲末每日三五次見大木及贈註和劑管

用夜卧摻貼妙

如聖湯治風熱毒氣上攻咽喉咽痛喉痺腫
塞妨悶及肺壅欬嗽咯唾膿血骨滿振寒咽
乾不渴時出濁沫氣息腥臭久久吐膿狀如
米粥又治傷寒咽痛

苦桔梗一兩甘草炒二兩○直指方加荆芥穗等分

右為麤末每服二錢水一盞煎至七分去

滓溫服直指方用井華水煎服小兒時時呷服食

後臨臥管見大令良方御藥○袖珍方右

吹咀水一盞半煎至八分頻頻飲之食後

聖濟總錄治咽喉乾肺壅咳嗽胃中滿而

振寒脈數時時涕唾膿涎桔梗劉少甘草

半右二味麤搗篩每服三錢匕水一盞煎

至五分去滓溫服日二不拘時

鵬砂圓治大人小兒風壅熱咽喉腫痛舌

頰生瘡口乾煩渴

腦子研三分○甘草浸汁鵬砂研各梅花

腦一本無麝香研一牙硝研寒水

石煅通赤甘

頁

卷之七
五十三

右為末用甘草膏子和搜每兩作四百丸
每服一九含化嚥津常服化痰利膈生津
止渴管見大全良方御醫撮要同
玉屑無憂散治咽喉腫痛舌頰生瘡風毒壅
寒熱盛喉閉或因誤吞硬物諸骨鯁刺涎滿
氣急或至悶亂不省人事並皆療之

玄參去蘆 荆芥穗 滑石研 黃連去毛 縮砂去殼
白茯苓妙令黃 貫衆山草 山豆根各壹兩○管見大全良方揀 寒水石研飛
各壹兩○管見大全良方揀 寒水石研飛

○直指方一兩得鵬砂二錢○直指方一
錢方煨參錢 鵬砂 錢研細得效方參

右為細末每服壹錢乾摻舌上後以新水
吞嚥下不拘時候○三因方簡易方名奪 治

喉纏喉風咽喉疼痛語聲不出嚥物有礙或
風涎壅滯口舌生瘡大人酒癥小兒疔癩

或誤吞骨屑哽塞不下玄參貫衆滑石縮

砂仁黃連甘草茯苓山豆根荆芥穗各半

簡易方寒水石煨○簡易 鵬砂各叁 石為

頁之七
三

末每服壹錢先抄入口以新水嚥下簡易方右
 為末每服一錢乾慘舌上後以新水嚥下不拘時此藥除三尸去
 八邪殺九虫辟温療渴又云治一切物硬
 如聖勝金錠治急喉閉纏喉風飛颺單蛾雙
 蛾結喉重舌木舌腮頰腫痛屢經用藥不能
 吞水粥者

硫黃研細川芎研細臈茶去枝薄荷去梗川烏炮

硝石研生地黃各二兩

右為細末裂生葱自然汁搜和為錠每服

先用新汲水灌漱吐出次嚼生薄荷五七
 葉微爛用藥一錠同嚼極爛以井水嚥下
 甚者連進三服玉機微義此下即愈重舌
 腮腫先服一錠次以一錠安患處其病隨
 藥便消醫方大成集成南北經驗方同又治冒
 暑伏熱不省人事用生薄荷水調研一錠
 灌下即甦如行路常含壹錠即無伏熱之
 患口舌生瘡不能合口并食熱物如上法
 服訖用水灌漱嚼薄荷十葉如泥吐出再

水灌漱嚼藥壹錠含口內聚涎裏之覺涎
滿方吐出如此服三錠便能食酒醋遇食
鹹酸鮓脯炙煨喉中生泡須拍破吐血方
省簡易方薄荷數葉以壹錠同嚼井水吞
下砂淋熱淋小便出血同車前草七葉生
薑小塊研爛水調去查嚼藥壹錠以水送
下此藥分陰陽去風熱化血爲涎化涎爲
水常帶隨身備急壹錠可活壹人命小兒
只服半錠管見大全良方同簡易方此下
云一方去川烏用貫衆以嫩茶

代臘
茶

鵬砂散治大人小兒卒患喉痺閉塞不通腫
痛生瘡語聲不快風壅痰毒鼻衄出血

山藥生六斤腦子研七兩牙消生二十四兩麝香研四兩

兩甘草 鵬砂生各二兩

右爲細末每服半錢如茶點服

吹喉散治三焦火熱口舌生瘡咽喉腫塞神
思昏悶並能治之

蒲黃一兩○直指方半兩盆硝八兩○直指方四兩青黛一兩○

直指方
七錢半

存件藥生薄荷汁一升直指方半斤將盆硝青

黛蒲黃青處用瓷罐盛慢火熬令乾研細

每用壹字或半錢摻於口內壽域神方每用一錢噙化

良久出涎吞之不妨或喉中腫痛用筒子

入藥半錢許用力吹之無不立効

如聖勝金錠治證服餌與前如聖勝金錠同

品味小異

朴消四川芎一硫黃細研一貫衆二薄荷

葉荆芥穗嫩茶各半

右件為末裂生葱自然汁搜和為錠服藥

湯使如前法

荆芥湯治風熱肺壅烟喉腫痛語聲不出或

如有物哽之三因方此下有慮

荆芥穗半桔梗二甘草一

右為麤末每服四錢水壹盞姜三片煎六

分去查食後溫服三因方云一法去

解毒雄黃圓解毒治纏喉風及急喉痺卒然

倒仆失音不語或牙關緊急不省人事

雄黃研飛○拔粹方一錢備預白要

方各玉機微義一兩各一分○微義

右為末醋煮麵糊為圓如棗豆大用熱茶

清下七圓百要方九如麻子吐出頑涎立

便蘇省醫方大成集成南北經驗方同未

吐再服衛生寶如未至死心頭猶熱灌藥

不下即以刀尺鐵匙幹開口灌之藥下喉

嚙無有不活三因吐瀉些小無妨及治上

膈壅熱痰涎不利咽喉腫痛赤眼癰腫一

切毒熱並宜服之如小兒患喉嚨赤腫及

驚熱痰涎壅塞服二圓或三圓量兒大小

加減簡易方御醫撮要方同百要方○直

指方治纏喉風急喉閉方見積每服七圓

研細以熟木研白梅肉調下或熱茶清下

熱則通之川此

大全本草

傳信方治喉痺用之取皂莢入好米醋或

常用醱醋亦通二物同研嚙之立差如苦
喉中偏一傍痛卽側卧就痛處含之勿嚙
云此法出於李蕃甚奇

續十全方治纏喉風雄黃一塊新汲水磨急
灌吐下差

外臺秘要誤吞銀鑲及釵水銀一兩分服之
釵使下亦可以胡粉一兩擣調之分再服
食銀令如泥也若吞金銀物在腹中皆服
之令消洋出之

百一方云食魚肉爲骨所哽取泉水一杯合
口向水張口取水氣颯當自下

圖經曰治咽喉腫痛口舌生瘡解傷寒頭痛
比腫毒之屬殊效制升麻壹兩水一升
煎鍊取濃汁服之入口卽吐出毒氣蜀人
多用之

外臺秘要治喉痺咽喉疾喘息不通須臾欲
絕神驗以絡石草二兩水壹升半煎取壹
又煮去滓細喫須臾卽通

又方療喉痺垂死者柁蠶實根壹握水絞取
汁稍稍嚙之口噤拗開灌
又方治喉痺咽喉塞喘息不通須臾欲絕神
驗以蠶實根葉二兩水壹升半煮取一盞
去滓細細喫立通

經驗方治喉痺青艾和莖葉壹握用醋搗傅
痺上若冬月取乾艾亦得李亞傳
外臺秘要治喉痺牛蒡子六分馬藺子八分
搗爲散每空心煖水服方寸匕漸加至壹

匕半日再服

外臺秘要治誤吞錢白部根四兩酒壹升漬
壹宿溫服壹升日再服

古今錄驗治喉痺半夏末方寸匕雞子壹枚
頭開竅子去內黃白盛淳苦酒令小滿內
半夏末著中攪和雞子內以鑲子坐之於
炭上煎藥成置杯中稍煖嚙之

杜壬治喉中瘡腫草麻子壹枚去皮朴消壹
錢同研新汲水作一服連進二三服効

勝金治喉閉纏喉風巴豆兩粒紙緊角可通
得入鼻用刀子切斷兩頭殼子將針穿作
孔子內鼻中久卽差

崔元亮海上方治喉痺腫塞欲死者取沙牛
角燒刮取灰細節和酒服棗許大木調亦
得又小兒飲乳不快覺似喉痺者亦取此
灰塗乳上燕下卽差

外臺秘要主食哽鴈鷹屎燒末服方寸虎狼
鵬屎亦得

食療云如有大患喉閉取鮫魚膽汁和白礬
灰丸之如豆顆絲裹內喉中良久吐惡涎
沫卽喉嚨開臘月取之

孫真人治箭鏃在咽喉骨鬲及針刺不出以
螻蛄擣取汁滴上三五度箭頭自出
懸鉤取蕤燒爲末服之亦止喉中塞也
陳藏器云魚鬻鯁不出以蒜內鼻中卽出獨
三顆者殺鬼去痛入用最良

蓬砂噙化熨津治喉中腫痛隔上痰熱初覺

凡治哽之法皆以類推如鷓鴣澹寮方作治鷓鴣糞

魚哽磁石治針哽髮灰治髮哽狸虎治骨

哽澹寮方作象牙及狸虎治禽獸骨哽亦各隨其類也朱氏集驗

方同澹寮方亦云處方者多如此而更祛熱消毒而已

衛生十全方

咽喉

治一切纏喉風喉閉垂死百方不愈者一服

必効吳氏集驗方名酸飲子

鴨背礬自生藜蘆 川白藥

右三味等分爲末每服一錢新汲水調下

入喉卽吐纔吐卽安小兒只用半錢合服

治咽喉腫痛醫方大成集成南北經驗方袖珍方玉機微義衛生易簡方作

閉

山豆根寸許搥破○是齋醫方山

右含口中嚥津卽愈直指方同

豆根洗淨新水浸少時每用一塊入口中

嚥下苦汁卽寬痛亦止未愈更一二塊諸

及壽域神同

治咽喉腫痛

燄消一兩白礬用一已上以鐵器盛於火

上飛候八九分乾下火放冷秤半兩用

右二味各研細和勻用磁合子內盛如有

患者搽少許入口中時時搽即效如已口

噤不開用竹筒子盛少藥吹入鼻中及口

內涎出再吹入口即通○施圓端効方治

咽喉閉塞腫痛焰硝白礬等分右研勻令細

鼻內嗜少許

治纏喉風蚶蚩草一名皺而草只以此草細

研生蜜相和圓如彈子大含口中嚥津不

過一二圓即差如無生者用乾者為末生

蜜圓了含之

治咽喉閉塞痒痛

鵬砂透明者一分 鈎白霜二錢 膽礬一分 牙消兩 龍

腦兩

右研細以少許用鵝管吹入喉中立効

治咽喉痒痛失聲不語

杏人

去皮去尖研桂皮

右二味等分爲末煉蜜爲圓如彈子大以新繇裏含嚙津立効

治口中誤吞錢及銅鐵等物用勃齊一味恣意與喫須臾錢自化去不信試將一錢并勃齊四五枚入口同嚼其錢立碎

神巧萬全方

治喉痺氣欲絕馬牙消散方

馬牙消石 消石 鵬砂 山荳根 已上各半兩

甘草

一分炙其山荳根甘草別爲末

右件藥以上三味以瓷合內盛用塩泥固濟候乾以慢火斷成汁良久取出候冷於地坑子內先以甘草水灑後用紙三重裹藥以土蓋之三宿出火毒後取出細研爲散却入下二味末和勻每服半錢以篋子抄內咽中嚙津甚者以竹管吹入喉中差一法入真竜腦一分佳

助道方

治咽喉腫口內瘡

熱毒多因酒麪傷咽喉腫痛口生瘡白梅須
把江茶和擒化多番便復常
往往咽喉口瘡非是小病但用白梅數个
去核以江茶末和為元如圓眼大每服一
元食後擒化服

是齋醫方

治咽喉腫痛

生甘草 生白礬

右等分為細末每服半錢入口中嚥下醫

犬成集成南北經驗方亦治喉閉
事林廣

記

治失音

頊碎錄
治失音

從彥文親服取効槐花新瓦
上炒香熟三更後床下仰臥隨意食之亦

治咯血

千兩金元治纏喉風不問陽閉陰閉如急病
內外腫塞輒至不救者用之能起死

蚶蚩草蚶者 銅青錢二 太黃兩 猪牙皂角半

右為細末以白梅肥潤者取肉爛研一處
搗勻每兩作一拾五元每用以新絲裹口
中含化嚙津有頑涎吐出方經驗良若病得
兩日後難用

南星防風散治風壅顛頷腫內生結核纏喉
風等

當歸二錢 焙乾 天麻叁錢 生用 白殭蠶半兩 焙乾 南星兩
湯洗淨搗細 豬牙皂角去黑皮 焙乾 防風兩
薑汁製焙乾 生用不見鐵器

右件為末每服二錢水一盞薑錢三片入
荆芥少許同煎至七分溫服食後日進三
服忌發風毒物如腫不散者加透明雄黃
三錢同前藥一道為末煎服滁州何村丘
永興傳親服有效

立聖膏治纏喉風

巴豆叁七 粒 齊州半夏叁七 粒

右將半夏輕搥每粒分作四片巴豆剝去
心膜於銀銅石器內用米醋三盃文武火

熬盡醋爲度用清醋微洗過研爲膏于每
患纏喉風或喉閉或癰疾用一幹耳以生
薑自然汁一茶脚化下患甚者灌藥少時
自然吐出惡涎如魚凍相似立愈極有神
効

又方用皂角刺不以多少刮皮浸生麻油

經

良方瓦器封收以年深爲佳遇患以油滴在口中
或吐或破卽安

治纏喉風急喉痺立應元

白殭蠶 白礬

右等分爲末密元含化

王氏集驗方
經驗良方同

治咽痛至危困以手用力拔頂心髮立通無
髮者撮頂心皮劉大夫得此方未試忽一
卒苦咽痛不能言亟去其巾乃患酒禿卽
以意令人用力撮頂心皮遂安李莫安撫
方

治咽喉腫痛白殭蠶直者不拘多少炒爲末
以生薑自然汁調服壹錢

王氏集
驗方同
吳內

翰开備急方云余嘗苦此用之甚効葛彦
 恢提舉閣中曾患喉痺五八主簿用此方
 治之即安壹方調下二錢未通半時許再
 服立通叶出頑涎別將大黃壹塊慢火炮
 熟打撲盡灰如壹米厚切片以兩指大壹
 片口內含汁嚥之壹食頃再換壹片或患
 人語不得及自嚥不下即扶起靠斜仰坐
 令人呷藥在口以筆管注入鼻中男左女
 右注藥訖隨即扶令正坐須臾吐涎不即

扶起恐吐自鼻中出也吐了含嚥大黃如
 前

佛手散治纏喉風神効

盆硝一兩 白殭蠶半兩 青黛一錢 甘草二錢
半生○經驗良方二錢

右為細末以少許搽喉中如閉甚以竹管
 吹入尋常咽喉間不快亦可用經驗良方同

治喉痺衛主易簡方治 沉司理傳

白礬二兩 擣碎○ 巴豆半兩 略○ 破○ 經
易簡方叁錢 驗良方易簡方三

枚去

右同於鈔器內炒候馨枯去巴豆不用碾
 馨為細末遇病以水調灌或乾吹入喉
 中○嚴氏濟生續方白馨散治纏喉風急
 喉閉白馨錢叁巴豆叁枚去殼分作六瓣右
 將白馨及巴豆於鈔內慢火熬化為冰候
 乾去巴取馨研為細末每用少許以蘆管
 吹入喉中醫方大成集成南北經驗方袖
 珍方永類鈐方易簡方右將白
 馨於鈔內慢火熬化為末置巴豆其內候
 乾去巴豆取白馨研為末每用少許以竹

管吹入喉中立愈本事方天巴豆山居四
 用烏雞子清調白馨灌入喉內

要白凡壹兩以無餘巴豆三枚共一居鐵
 器飛枯去巴豆細羅透病即除右壹
 味凡用成塊取壹兩豆去殼同飛去豆研
 末縛管吹入喉中涎出即愈

又方消細黃丹飛過

右相拌和深粉紅色遇病用蘆管或筆管
 以半錢許吹入喉中即破吐涎而愈甚者
 又不過兩次經驗良方永類
 鈐方亦治重舌

又方蛇皮壹條新瓦上炒焦黃帶黑色碾細入麝香少許然摻口內

治急喉閉開口不得者右以黃臍紙裹巴豆

壹箇如患人鼻孔大小中心切破急以塞

鼻氣衝入喉中自破也巴覺通利即除去

濠守王亞夫方巴豆去殼拍碎以絲裏隨

左右納鼻中即吐出惡物後用鼻中或生

少瘡亦無害

治急喉痺范觀道方

大青魚膽新瓦上焙乾去膜取末蛇蛻皮去沙土

灰一錢研白殭蠶直者去絲青新白礬鐵

內飛過留白藥子新瓦上焙乾一兩

右並為細末再以乳鉢和研令勻每用半

錢吹入咽喉立愈若病輕以多年白堊梅

肉細切入前項藥同搗勻元如大雞頭大

每服一元含化燕津如白梅稍乾硬用熟

湯浸令軟取肉細切用熟黃少許同煎水

又方白殭蠶直者去絲青新白礬鐵

右二味等分爲末每服壹錢取生薑自然汁濃調嚙下小兒入新薄荷少許同薑汁研更加生蜜少許同調半錢服藥後不可飲湯水解藥欲得藥方在鬪止少時也人治骨鯁羊脛炭碾爲細末米飲調下一方用黑炭皮

又方取籬脚下入土朽竹去盡泥以手撚細蜜調元如龍眼大以絲裹之含化其骨自消卽去藥雖咽下些津不妨○瑣碎錄治

魚骨鯁以籬竹根插地朽爛者取起去外皮只用肉研細生蜜爲圓如龍眼大每服一圓絲裹含化骨自消化

又方橄欖食之衛生易簡方嚼汁嚙如無用核碾爲末

以澹寮方此下急流水調服瑣碎錄得効

同承頰鈞○澹寮方又云名醫錄曰漁人

張九謂以橄欖木作取魚掉筥魚若觸著

卽便浮所以知魚怕橄欖也今人煮河豚

等魚用少橄欖亦知其化魚毒也朱氏集

驗方橄欖一味用急流水調服之若無橄欖討核燒為末亦可

又方獸勝法屢驗以所食魚骨密置患人頂

上勿令知良久即下宅魚骨亦可澹寮方經驗秘

方○肘後方以魚骨於頭上立即愈秘方急救

同方神方壽域下云罄欬即出

呪骨鯁屢驗澹寮方以淨器盛新汲水壺

蒸捧之面東默念云謹請太上東流順水

急急如南方大帝律令勅一氣念七遍即

吹一口氣入水中如此七吹以水飲患人

立下有一族姓用此呪水可以食針并竹

刺

治骨鯁獸勝法方鯁時以見所食筋急倒轉

依舊如常食魚即鯁自下勿令人知澹寮方同

治誤吞鐵石骨刺等不下危急者

王不留行黃蘗皮去蘆

右等分為細末水浸蒸餅元如彈子大急

仙方衛生易簡以麻線穿之掛當風處每

用一元冷水化開灌下立効

治鯁

縮砂仁 甘草等分

右擣爲羅末如一切鯁以繇裏少許含之

旋旋嚥津久之隨痰出得効方醫方大成集成南北經驗方

山居四要衛生易簡方同經驗秘方急粒仙方簡奇方縮砂仁甘草乾咽卽下

經驗良方右二味爲末以繇子裏壹錢許

口中噙時嚥下津液

治骨鯁滁州蔣教授名南金頃歲因食鯉魚

玉蟬羹爲助骨所鯁凡治鯁藥如象牙屑

之屬用之皆不效或者令服此藥連進三

劑至夜一咯而出戲云管仲之力也貫衆

不以多少煎濃汁壹盞半分三服併進朱氏

集驗方永類鈔內衛主易簡方同得効方經驗良方分參服連進片時一咯而骨出

貫衆一名管仲云澹寮方同

誤吞椒閉氣不通喫京棗三箇解之瑣碎錄食膠棗

參兩枚解之

又方草薺一兩甘草炙微狗脊各叁分

右為細末食前以粥飲調下二錢一方不

用甘草用貫眾半兩草薺狗脊各一兩

誤吞錢生鳧苈取汁呷與錢自然消化即勃

薺也

治誤食桐油食乾柿解之

瑣碎錄

喉風方

凡喉閉未有藥先用漆筋燒令有烟含口中
不得出氣候烟入喉發嗽即破然後次用

別藥

如熱極覺喉閉之類用枯礬末糝之喉中即

愈事林廣記同

咽喉閉塞不通須臾欲死者馬蘭子四十九

个搗羅為末以水調服之立愈備頂百要方同

治喉閉用真膽礬末糝喉中事林廣記山居四要同

又以雄黃磨水半盞飲之事林廣記同或以雞子

清調灌之○衛生易簡方用雄黃一塊新

汲水磨急灌吐即差

又以白梅肉一片包生白礬末少許作圓納喉中

又以焰消末入筆管吹喉中立愈亦治咽痛治纏喉風以麻油調白礬末及雞子清和之

灌下得吐即愈事林廣記同

又方以皂筴揉木得効方急救仙方衛生易簡方叁枚揉水一盞瀘

過灌之即吐涎立効事林廣記山居四要同得効方或吐或不

吐即安

又以朴硝細末用蘆管吹入喉中立効事林廣記

山居四要同

又方端午取一蜒蚰置白梅上不拘多少化水將梅去核曬乾為末疾作糝少許入喉

立愈

又方詩曰急喉喉閉最堪憂只用承燈燈盞油甚者不過三五呷此方元是聖人留

又方白礬一塊如折二錢大研細用酸醋調作一服嚥下

咽喉雜治

咽喉痛含化糖霜即愈

如患口瘡及咽喉痛只飲薑酒一二盃即愈
有病喉痛且患河魚之疾一良鑿以紫雪裏
理中圓服之二疾皆愈蓋紫入喉即化而
理中圓入腹即溫故也

咽喉腫語聲不出用鵬砂研細竹筒吹入喉

內痛自定

事林廣記山
居四要同

治不出聲馬屁勃白藥煎和少沙糖研成膏
如圓眼大含一宿

治聲不出江茶如常點入生麻油三滴熱喫

臨睡喫尤佳

吞雜物方

凡誤吞錢及針釘之類用炭燒通紅急擣爲
末米飲調連進數服

治百物入咽茯苓去皮貫衆甘草五味爲末
米飲下壹錢立愈

如誤吞稻麥芒於咽喉間不能出者急取鵝
口中涎令嚥之

山居四要衛生易簡方此
下云或取薦頭草細嚼下

尤妙

治骨鯁方

治魚骨鯁煮桃子湯服之

又方事林廣記魚骨鯁在腹刺痛取大栗殼燒灰研細熟

水調下

又方用穀樹子泡湯蒸下骨自然消

又方沙糖和刮牙屑元如彈子大含化

又方用陳橘皮末和沙糖為元如前法

治骨鯁白芍藥細切爛嚼嚥之立消事林廣記同

又方以好炭皮洗淨擣為末以米飲調服之

立愈予在嘉禾見一相識安巡檢說此渠

家有一水廚因嘗煨雞忽為骨鯁百藥不

効亦甚危偶有獻此服之遂驗

又方用金毛狗脊去盡毛切作片子湯浸舍

之即下

魚骨梗用楮骨新好者研碎絲裏含此方專

治骨梗喉中

又方用象牙末聖濟總錄入沙糖元如雞頭

蓮大每服一元吞化嚙津立效

又方鰈青馬牙硝二味等分爲末水調先漱

數口後可嚙壹口如此數次卽消

又方五倍子碾爲細末糝於咽喉中卽消林事

廣記

又方用鳧茨肉生搗碎入狗涎少許以絛裏

含化頃有雞骨梗者用之有效

又方用生蓖苳搗汁嚙三兩口骨自然銷

易簡方

治喉痺及咽喉疼用桔梗濃煎湯頃服備領百要

方

簡易方

烏犀膏治咽喉腫痛一切惡喉結喉爛喉遁

蟲纏喉閉喉急喉飛絲入喉重舌木舌等外

蔡醫博秘方

皂莢兩條槌碎水參升浸一時好酒一人

參末爲百草霜研各一錢同皂角碯砂燄

消白梅霜各少許並研

右斟酌拌和以可掃為度若有前患用鵝毛點少許於喉中有惡涎自出或下腹可一兩度引藥方歇良久惡物出盡為度却嚼甘草二寸嚙汁若木舌先以粗布蘸水揩舌令軟次用姜片擦之然後用藥掃咽神効

醫方大成集成南北經驗方永類鈐方同

一字散治喉閉

白礬一兩火上鎔開入巴豆肉十個以礬沸定為度去巴豆研礬為末右每用一字新汲水調下覺喉痛甚服之

未効者更服吐瀉即瘥如牙噤用指甲挑入喉中或以竹管吹入一方用青礬名碧雲散

直指方

咽喉證治

膽礬散治酒麵熱盛咽喉腫結閉塞

鴨背膽礬

半錢全蝎二箇

右為末以雞羽蘸藥入喉中須臾破開聲出次用生青葙研細并水調下候吐出毒

涎即愈未吐再服

山豆根圓治積熱咽喉閉塞腫痛

山豆根一北大黃 川升麻 朴消生各半兩

右為末煉蜜圓如皂子大每一粒以薄餅

包少痛便含嚥液

青解毒丸治熱毒上攻咽喉腫痛

寒水石 石膏各四兩青黛二兩

右為細末拌和青黛水浸蒸餅研糊圓龍

眼大每一圓食後以井花水化下

絳雪散聖濟總錄治咽喉熱痛腫塞

寒水石半兩紅鵬砂 牙硝總錄半錢朱砂各研一錢

○總錄腦一錢○總錄

右為細末每一字摻入口總錄咽喉中嚥津○

嚴氏濟生續方治咽喉腫痛嚥物妨礙及

口舌生瘡竜腦千字一錢經驗鵬砂一錢朱砂

二錢○醫方大成集成南北經馬牙硝半錢

驗方袖珍方叁錢秘方半斤 右各研為末

寒水石方一錢秘方半斤 和均每用一字摻於舌上用津嚥之食後

類聚 卷之七
臨卧 永類鈔方同秘方又云或用甘草膏為丸如菘豆大每服參丸食後含化可亦

牛黃涼膈丸治咽喉唇舌熱腫生瘡 方見積熱門

僵蠶丸治喉風

白僵蠶 炒明白礬生

右件為末以白梅肉和圓如皂子大每一圓薄紙包入喉少頃涎水出而愈

遠志散治喉閉

遠志 去心取肉

右為細末以管子擗開口吹藥入喉策令頭低涎出而愈

白藥散治喉中熱塞腫痛散血消淡

白藥 朴消

右為末以小管吹入喉

穀賊方

木驚子仁 川大黃 焙 牙硝 射干 含山

豆根 川升麻 白藥

右件等分為末煉蜜圓如皂子大以薄絲

包含燕液

又方鵬砂 牙硝

右件等分細研每服半錢以薄紙裹含嚙

口瘡赤爛方清蜜浸黃栢一宿取汁含嚙

和劑七氣湯加北梗升草指迷七氣湯治冷

證氣縮喉閉方見諸氣門

半夏桂甘湯治冷證無陽咽疼喉閉

薤桂 甘草 焙半夏製

右件等分剉碎每服三錢水一大盞煎半

候冷少呷

咽閉方膽礬細研以管子挑少許吹入喉中

卽破續以白梅煎湯調炒僵蠶末以去其

風如無膽礬只透明綠礬代之亦得

又方明白礬末一大錢七用川巴豆肉一粒

入礬中以火熬乾取礬爲末極細每一字

以小管挑吹入喉涎出自愈

又喉風喉痺方

蛇皮略洗過日乾白梅肉

右件研和爲圓含化屢效

又熱閉方

川升麻半

右剉井水濃煎服少頃吐出毒氣

又方山豆根小射干升升麻

右井水平煎服

喉風喉痺方蠶退紙燒存性爲末煉蜜圓皂

子大衛生易簡含嚙

又方綠礬研細米醋調嚙一邊痛側卧含嚙

又方皂角肉半銚剉細以米醋壹大盞煎至

七分濾清嚙

通關散

白礬枯直僵蠶炒南星生藜蘆各壹錢全蝎

筒

右爲末以小管挑一字吹入鼻中吐痰喉

通

又方治喉痺欲絕○朱氏集驗方壹字散治

喉閉氣塞經驗秘方不通欲死者

雄黃二錢秘方一分別研明礬生藜蘆各一蝎

梢七猪牙皂七錢

右為細末每服一字吹入鼻止痰效醫方

大成壹字散治喉閉氣塞不通飲食不下

者雄黃一分研蝎梢七白礬生藜蘆各二錢

鈞方已上二猪牙皂角七右為末每用一

味各半附字鈞方男吹入鼻中即時吐出頑涎為愈

醫方集成南北經驗方袖珍方衛生易簡

方同鈞方云一加朴消細辛一加單用牙

喉癰閉方

白明礬煨牙硝各一錢一臘脂半錢

右研細爛烏梅肉圓旋含嚥

又方治痰熱閉喉以蘿蔔汁和皂角漿吐之

又喉閉方

牙硝一臘脂一鹽梅屑

右件同研以鷄羽送入

朱氏集驗方

如神散治咽喉深在咽下針刀不能及者

膽礬純綠者研細如粉

右用酸黃醋一呷調嚥下自服不得者灌之即時吐下稠粘痰涎便愈可少用以冷水解之張太醫方

油膏治咽喉生癰藥不下及喉閉等證

生麻油半斤按皂角十錠用生絹濾去滓

右灌此麻油即時瘡穿濃血吐去而愈

藜蘆散治咽喉

藜蘆 白礬火煨各叁錢 猪牙皂角叁條 雄黃

薄荷 北薄荷各二錢

右為細末乾服少許如喉閉塞用竹管子吹入即愈

吹喉散治咽喉腫痛

朴消四兩別研 甘草生末一兩

右研勻每用半錢乾擦喉中如腫甚者用竹管子吹入喉中為佳

乳香散治咽喉張太醫方

乳香 青黛 朴消 鵬砂 粉草 雄

黃

右各等分爲細末乾下一字

白礬散軟瘡

白礬

半兩 飛過朴消 一錢 飛過

右爲末銅筋點腫處再點瘡如瘡軟則用藥點穿硬則用針

膽礬九點瘡

膽礬

一錢 飛過 硃砂 二錢

右爲細末點腫處立穿穿則用合瘡口藥

革麻散合瘡口

革麻子

七粒 焰炳 半錢

右細末研成膏每用少許冷水灌漱去之

南星散摻藥

絳礬

煨

牙硝

飛過

南星

薄荷

右各量多少爲細末水濕手點藥重摻腫處須用力摻之至痛無害然後服藥

半夏散塗藥

半夏

南星

白僵蠶

直者

右各用一錢用巴豆七粒去皮油合前藥
細研用少許生薑自然汁調塗外面腫處
燻藥雄黃散

雄黃

少許 巴豆 五粒

右細研每遇急患不可針藥者用酒瓶裝
灰坐瓶嘴下裝火壹炷焚之候煙起將瓶
嘴入一邊鼻中用紙覆瓶口熏之立滅

防風立效散治咽喉

柴胡

升麻

牛蒡子

炒

全蝎

石膏

生用

乾葛

赤芍藥

甘草

各壹兩

北防風

爵

金薄荷葉

半夏

泡

赤茯苓

比細辛

川芎

羌活

各半兩

桔梗

荆芥

各二兩

右羅末每服四大錢水壹盞半葱頭一箇

煎壹盞食後臥時溫服滓合煎服忌酒毒

物候發散後又相間服局方解毒雄黃丸

相中朱國學家合
施往往輒效

治走馬喉閉方

白僵蠶

炒半兩

甘草

生壹錢

右為末薑汁調灌涎出立愈

又方白礬

壹斤入巴豆二十壹粒雞碎去殼同煨礬枯去巴豆

右用礬為末一字吹入喉中

又方焰硝枯礬末壹錢

右含化或吹入鼻中口內出血以新水漱

而愈

治纏喉風方

吳氏集驗方名搐鼻散

白礬銅青

等分

為末一字吹入鼻即愈

治喉痺方元公章少卿說開德府士人携僕

入京其一日忽患喉痺脹滿氣塞不通命

在頃刻詢諸郡人云惟馬行街山小李家

可看治即與之往李駭然曰證候危甚猶

幸來此不然即死何疑乃於笥中取壹紙

撚用火點著方纔烟起吹滅之令僕張口

刺於喉間俄吐出紫血半合即時氣寬能

言及啖粥飲摻藥傅之立愈士人甚神其

技後還鄉里村落一醫偶傳得此術云咽

喉病發於六府如引手可探及刺破瘀血

即已若發於五藏則受毒牢深手法藥力
 難到惟用紙撚為第一然不言所用之意
 後有拾得其殘者蓋預以巴豆油塗紙故
 施火即著藉其毒氣徑赴病處類編○澹
 又方急以皂角去皮子生用為末石以箸點
 在腫處更以醋調藥末塗項下須臾破少
 血出即愈

又方以皂角汁麻油灌未吐再服之
 治舌腫川釜下墨舌下取效

樽金散治咽喉至重者

樽金兩枚白僵蠶兩枚鴨舌膽各兩全蝎兩

山豆根半斤豬牙鬃角雄黃錢一巴豆七

粒七粒同熬火煨用七粒去油生用

右為細末每服半錢新汲井花水如兩茶

脚多調令稀稠得所時復嚙末如口噤以

巴豆油紙捻成條子燒烟搐鼻自然口開

却以酸黃子醋調用鵝毛拂患處痰涎出

宗為度如覺不快更進無害

治喉癰方楊立之自廣蘇潘判歸楚州喉間
生癰既腫潰而膿血流注曉夜不也寢食
俱廢醫者束手適楊吉老求赴郡索招由
之兩耳走往邀之至熱視良久曰不須看
脉已得之矣然此疾甚異須先啖生薑片
壹斤乃可投藥否則無法也語畢卽出子
有難色曰喉中潰膿痛楚豈宜食生薑立
之曰吉老醫術通神其言不妄試取一片
啗我如不能進則屏去無害遂食之殊爲

甘香稍復加益至半斤許痛處已寬滿壹
斤始覺味辛粹膿血頓盡粥餌入口了無
滯礙明日招吉老謝而問之對曰君居南
方多食鷓鴣此禽好啖半夏久而毒發故
以薑製之今病源已清無服他藥予記唐
小說載雀魏公暴亡醫梁新診之曰中食
毒僕日常好食竹雞梁曰竹雞多食半夏
苗蓋其毒也命煇生薑汁折齒灌之遂復
活其與此相類

巧匠取喉鈎方咸平中職方魏公在潭州有
數子弟皆幼因相戲以一鈎竿垂釣用棗
作餌登陸釣雞雛一子學之而誤吞其鈎
至喉中急引乃鈎以鬚逆不能出乃命之
諸醫不敢措手魏公大怖令人遍問老婦
必能經歷時有一老婦九十餘歲言亦未
嘗見此切料有智識者可出之時本郡有
一莫都料性甚巧令問魏公公呼老婦責
之曰吾子誤吞鈎莫都料何能治之老婦

曰聞醫者意也其莫都料曾水中打碑塔
添仰尾魏公大哈親囑勉之曰試詢之公
遂召莫都料至沉思久言要得一蠶蠶及
大念珠一串公與之莫都料遂將蠶剪如
錢大用物權四面令軟以油潤之仍中通
一竅先穿上鈎線次穿數珠三五枚令兒
正坐開口漸添引數珠捩之到喉覺至繫
鈎處乃以向下一推其鈎其下而脫卽向
上急出之見蠶錢向下裏定鈎線鬚而出

並無所損魏公大喜遂厚賂之公曰心明

者意必巧也意巧者心必善醫名醫錄○澹寮方同

治魚骨硬白梅取肉去核砂糖含下須臾自

下

又方玉屑無憂散用貫衆調下妙不可言

鹽梅丸治誤吞鐵錢及骨鯁之類

古文銅錢十數枚入白梅十箇淹過宿即爛

每服壹圓如菜豆大侵晨取流水吞下即

吞出

治誤吞錢羊脛骨灰為細末米飲下 泥薺

取汁呷之自化

又方山棗子燒灰存性白湯服武林劉開國大任傳

嚴氏濟生方

三神湯澹寮方一治咽喉熱腫語聲不出喉

中有如物梗

荆芥穗澹寮方桔梗去蘆各一兩甘草生

兩半

右咬咀每服四錢水壹錢半薑三片澹寮方二

小煎至八分去滓温服不拘時候

牛蒡子湯治風熱上壅咽喉窒塞或痛或不
利或生瘡湯玉機微義或狀如肉癢疼痛妨

悶

牛蒡子微義玄參 升麻 桔梗去犀角

澹寮方醫方大成集成南北經驗木通去

黃芩 甘草各等分

右吹咀每服四錢水一盞半薑三片煎至

八分微義右吹咀每半兩 去滓温服不拘

時候

二聖散治纏喉風急喚痺

鴨脷膽仁錢○澹寮方醫方大成集成

玉機微義衛生白殭蠶去絲

右為細末每服少許以竹管吹入喉中立

驗

射干圓治腑寒咽閉不能嚥

射干永類鈔方杏仁麩炒玄參澹寮方鈔

附子炮去桂心各等分

右為細末煉蜜為圓如雞頭大每服一圓
以新繇裏噙嚥津

管見大全良方

咽喉

龍腦飲子治邪熱蘊積咽乾多渴喉中腫痛

赤眼口瘡心煩鼻衄睡臥不寧痰熱咳嗽中

暑煩躁一切風壅

甘草半斤山梔仁六兩石膏二兩瓜根縮

砂仁各一兩半藿香葉七錢

右細末每服一錢至二錢新汲水入蜜調
下傷寒餘毒潮熱作渴用藥二錢水壹盞
竹葉五六片前至七分食後服

修月魯散經後錄

治咽喉痛方

百藥煎照鵬砂白甘草生白凡等分
在四味為細末每服一盞食後米飲調細

治病百法

常談誤吞銅鐵

夫誤吞銅鐵以至羸瘦者宜用肥豬臄與葵菜作羹朗飧數頓則銅鐵自然下也神驗如不食葷腥者宜以調胃承氣湯大作其劑料下之亦可也

魚刺麥芒

夫魚刺麥芒一切竹木籤刺咽喉及鬚髮惹伴在咽喉中不能下者內經曰不因氣動而病生於外可用道藏經一呪法治之呪

曰吾請老君東流順老君奉勅攝勅攝法
毒水吾託大帝尊不到稱吾者各各現帝
身急急如律令奉勅攝一氣念三遍又以
左手屈中指無名指作三山印印上坐淨
水一盞右手拍卯文作金鎗印左手在下
右手在上左下象地右手象天虛挽虛卓
九次爲定左足橫右足豎作丁作立如作
法時望日月燈火取氣一口吹在盞內此
法百無禁忌用法之時以正神氣是也如

所傷物下不可便與米湯米飯喫恐米粒
誤入瘡口中潰作膿也姑以拌麵羹養之
數日可也

蘭室秘藏

咽喉

桔梗湯治咽腫微覺痛聲破

當歸身已上各一分 馬勃已上各一分 白殭蠶 黃芩已上各一分

各參五分 麻黃去節 桔梗已上各一分 甘草已上各一分 枝許少

枝許少

右為麤末作一服水二大盞煎至壹盞去
粗稍熱服之食後

御藥院方

咽喉

利膈散治咽喉請疾腫痛生瘡

黑牽牛炒 甘草炒 防風一兩 牛蒡子炒

右件各慢火炒令熟與防風同為細末每

服二錢沸湯壹大盞點藥澄清溫服不拘

時候

毒蘊滯胃膈不利故發疼痛及急喉痺閉塞
腫痛粥飲難嚥

鵬砂 腦子 朱砂 各壹分 滑石 半兩 石膏

水飛甘草 半錢 重壹字

右為細末每服半錢用新汲水調服或乾

搽嚥津亦得

通 音腦被毒散治不側急慢喉痺咽喉腫塞不

盆消 研細 白殭蠶 微抄去背為 甘草 生為
八錢 青黛 秤八錢 馬勃 末抄八錢 蒲黃 秤半 腦子 秤壹
錢 麝香 秤壹

右同研令勻細用瓷合子收如有病證每
用藥壹錢用新汲水少半煮調勻細細呷
嚥如是喉痺即破出血便愈如不是喉痺
自然消散也若是諸般舌脹用藥半錢以
指蘸藥擦在舌上下嚥津如是小兒壹錢
作四五服亦如前法用並不計時候

天門冬丸治上膈鬱熱咽喉腫痛唇焦舌乾
腮頰生瘡解化痰毒並宜服之

天門冬炙 玄參湯洗 牛蒡子炒各一兩 百藥

煎 紫蘇葉各半兩 甘草炙 人參各一兩半

右為細末煉蜜和丸如皂子大每服一九

噙化嚥津食後

漱口地黄散治脾熱風熱上攻咽喉腫痛生

瘡閉塞不通或生舌脹

黃芩八兩 甘草生二兩半 荆芥穗二兩 薄荷葉一兩

右為細末每用二錢水一盞入薄荷少許

煎三兩沸片滓熱嗽冷吐不計時候

鵬砂散治心脾風毒熱無發咽喉生瘡腫疼

痛或子舌脹或木舌重舌脹主腫悶塞水漿

不下

南玄參 管仲 白茯苓去皮 縮沙人不滑

石研 荆芥穗 山豆根 甘草生 青黛研

半鵬砂研 蒲黃 薄荷葉各壹兩 寒水石

燒過研 二兩半

右為細末入研藥勻每服半錢新水調下
 或諸舌脹摻在舌上嚥津無妨不計時候
 祛毒牛黃膏衛生寶鑑作丸治大人小兒咽喉腫痛
 舌本強硬或滿口生瘡涎潮喘急胃膈不利
 飲食難進

牛黃研二錢半 人參一兩 寶南琥珀
 寶鑑錢半 犀角屑取極細末 桔梗 生乾地黃沉水研已
 上各半兩 雄黃飛二兩 川升麻 南玄參各錢
 蛤粉水飛四兩 南鵬砂牛朱七錢 鈇白霜

一錢 腦子冬錢 寶金箔為衣 寒水石燒赤去火毒
 兩研 寶鑑 一錢

右為細末入研藥勻燒蜜和丸如小彈子
 大金箔為衣用磁器內收每服一丸濃煎
 薄荷湯溫化下或新汲水化服亦得食後
 日進三兩服更或噙化嚥津亦得
 春冰散治脾肺積熱咽喉赤腫疼痛

大黃生壹兩 盆消二兩 薄荷甘草微炒各
 右為細末每服二錢食後新水一盞調服

入蜜少許亦得

消毒寬喉散治急慢喉痺咽喉閉塞腫痛或

舌本強硬滿口生瘡

寒水石

生四兩

馬牙消

朴消

各六錢

青黛

兩

右為極細末每服二錢濃煎薄荷湯點勻

熱漱口喉內冷吐悞嚥不妨不計時候日

用三五次

咽喉碧玉散

醫方大成集成南北經驗治心方袖珍方永輝鈐方作圓

肺積熱上攻咽喉腫痛閉塞水漿不下或生

喉癰重舌木舌腫脹並宜服之

青黛

益消

蒲黃

甘草

末各一兩

右同研勻細每用藥少許乾摻在咽喉內細細嚥津絲裏噙化亦得若作丸沙澹和丸每兩作五十九丸每服一丸噙化嚥津亦

得

衛生寶鑑衛生易簡方同

麝香朱砂丸治咽喉腫塞閉痛或作瘡癰或

舌本腫脹滿口生瘡津液難嚥

承類鈐方治證與前碧玉

散

燒寒水石棟淨一斤馬牙消生用七錢南鵬砂去兩鉛

白霜龍腦各錢麝香二錢甘草膏二十兩熬

經驗方朱砂壹兩半

右研極勻細用甘草膏子和丸如梧桐子

大朱砂為衣每服一兩丸噙化嚙津不拘

時候醫方大成

龍麝聚聖丹治心脾客熱毒氣攻衝衛生寶鑑

方作咽喉赤腫疼痛或成喉癰或結硬不消

愈而復發經久不差或舌本腫脹滿口生瘡

飲食難嚙並宜服之

川芎壹兩生地黃 犀角屑 羚羊角 南

琥珀研南玄參 桔梗 連翹已上各馬

牙消研人參 赤茯苓去皮升麻寶鑑拔粹

義五牛黃研○寶鑑拔粹麝香研腦子研

錢上各南鵬砂兩壹鈎白霜研一錢○寶鑑

錢朱砂水飛半兩○寶鑑拔粹金箔十片為衣五

右為細末煉蜜和為丸每兩作一十五丸

拔粹方微義用金箔為衣每服一丸用薄

荷湯化下或新水化服亦得更或細嚼服
并噙化嚥津皆可服食或臨卧日進三兩
服

朱砂膏鎮心安神及解熱損衛主寶漱血等

疾

金末二錢半朱砂另研珍珠末寶鑑真生

犀甘草炙人參玳瑁已上各西琥珀

另牛黃麝香龍腦南鵬砂羚羊

角赤茯苓遠志去心已上蘇合香油

寶鑑和鐵粉各壹分安息香半兩酒熬去沙

右都為末拌和煉蜜破蘇合油劑諸藥為

小錠子更以金箔裏之磁器內收密封每

服一皂子大食後噙化衛尉葉承得効并

阿膠丸相雜服此藥活血安神更勝至寶

丹每兩作五錠子

增損如聖湯治心肺風熱攻衝會厭語聲不

出咽喉妨悶腫痛並皆服之

桔梗二兩甘草微炒壹兩防風半兩枳殼湯浸去

半

右件為細末每服三錢水一大盞煎至七分去滓入酥如棗大攪勻溫服食後衛生寶鑑

發聲散治咽喉語聲不出

栝蒌皮細剉慢火炒赤黃 白姜薑去頭微炒黃 甘草剉

黃色各等分

右為極細末每服一二錢用溫酒調下或濃生薑湯調服更用半錢絲裏噙化嚥津

亦得并不計時候日三兩服經驗秘方同

發聲散治語聲不出胃滿短氣涎嗽喘悶咽

喉噎塞

升麻 桔梗 川芎 桑白皮各壹兩 甘草

羌活 馬兜零各半兩

右件為細末每服壹錢水壹盞入竹茹薄荷同煎至六分去滓食後溫服

玉塵散治大人小兒咽喉腫痛口舌生瘡

寒水石燒叁兩 馬牙消枯壹錢 鈎白霜半錢 南鵬

砂兩半

右為細末每用少許乾摻口瘡上嚙津無妨不拘時候

青雪散治魚骨鯁咽喉內不出并急慢喉痺

盆消二兩白姜蠶人頭炒黃色牙消錢叁日草

生取末壹錢半青黛二錢

右作為細末每用二錢用井花水半盞調

藥細細呷服或少許頻乾摻嚙津亦得

代針散治咽喉腫痛氣息難通

硃砂為君少許白礬為臣皂子大牙硝壹分硝石兩四

黃丹半兩巴豆六枚

右件麤磁罐子一个先煨令熟後次第漸

漸下藥巴豆逐个咬破後有火焰盡更入

膏筒續入蛇退皮壹條為之七掄以火養

成汁後結硬乃成也每用少許以竹筒下

吹在患處忌雞犬婦人見之唯臈月合之

白龍散治大人小兒咽喉腫痛滿口生瘡

西鵬砂壹錢鈔霜壹錢腦子各壹錢寒水石壹兩

右爲細末每用少許乾摻舌上嚥津不拘時候

青龍散治咽喉腫痛妨悶

石膏八兩朴消八兩射草生各一兩青黛兩

右爲細末每服二三錢煎薄荷湯調勻熱

嗽冷吐不拘時候候候候不妨

鵬砂散治心風熱毒克發咽喉生瘡腫痛或

木重舌脹或紫舌脹至腫悶塞水漿不下

南玄參管仲白茯苓法縮沙人滑

石末 荆芥穗 山豆根 甘草生各兩

鵬砂兩 鄆州薄荷葉兩

右件除研藥五味外擣羅爲細末同合和勻每服半錢新水調下或摻舌上嚥津無妨不計時候

人參清肺散治脾肺不利風熱攻衝喉咽腫痛嚥物妨悶

人參去蘆頭 甘草生 山梔子 盆硝各一兩

荷葉 黃芩淨 川大黃生各一兩 連翹兩 黃

連五錢 去頂白附子七錢 去皮

右為麤末每服五錢水壹盞半煎至壹盞去滓食後溫服

救生散治咽喉閉塞氣息難通

雄黃另研藜蘆 猪牙皂角生去皮尖白礬生用另研

各二錢

右除研藥外為細末入研藥同研勻細每用一字啗兩鼻內出黃水為効

開關散治纏喉風氣息不通聖濟總錄治纏喉風一切喉痺

危急癰毒散方

白姜蠶直者去頭炒半兩○總錄參枚拔粹方少一兩枯白礬一兩

○總錄一分衛生寶鑑壽域神方等分

右為細末每服三錢生姜蜜水寶鑑神方一盞調

勻總錄調下細細服之不拘時候

犀角散利咽膈下痰

大黃二兩荆芥穗一兩甘草一兩薄荷半兩

右為麤末每用四錢水壹大盞煎三沸去滓溫調青雪散三錢細細服食後

中都惠民司無名兒藥治咽喉閉疔疔堵塞不通氣水米難下至危者

牽牛四兩一半生用鼠粘子一兩防風七錢甘

草生用枳殼各半兩麩炒去穰

右為細末每服五錢沸湯點服不拘時候

鼠粘子散治時行熱毒攻發咽喉及頸外腫

痛

鼠粘子 馬牙硝 寒水石各一兩大黃兩

右為細末每服三錢蜜水壹盞調勻和滓

服不拘時候

五痺散治咽喉腫閉不通拔粹方治五種喉痺

白殭蠶直者去頭微炒大黃生各一兩

右同為細末每服五錢生姜自然汁三分

溫蜜水七分調勻細細服拔粹方生姜自然汁蜜各半盞

一處調服以利為度

如聖散治時氣纏喉風漸入咽塞醫方大成治風痰壅

盛咽喉腫痛水穀不下牙關緊急水穀不下牙關緊不省人

事

雄黃細研○衛生寶鑑生用藜蘆厚去皮用○寶鑑厚者去

皮用仁白礬飛猪牙皂角去皮炙黃

右件搗羅為細末每用壹豆大成各鼻內

嗜之立見効拔粹方袖珍方同大成去痰為愈醫方集成南北經驗方

與大成同

甘桔湯治胷中結氣咽喉不利下一切氣

桔梗 杏人湯浸去皮尖炙壹

右咬咀每服五錢水壹盞半煎至壹盞去

滓微溫時時服

青金散治心肺客熱上攻咽喉腫痛生瘡舌

本強硬妨悶不利

南鵬砂一兩研薄荷二兩甘草七錢百藥煎叁錢

馬牙消研青黛別研各紫河車二錢白

姜蠶直者夫頭微炒腦子半錢

右除研藥外同為細末入研藥再研勻細

每用少許時時乾摻舌上細細嚥津

桔梗湯治咽喉疼痛如有物妨悶

桔梗二兩半夏湯洗七遍人參去蘆甘草

炙到各半兩

右四味麤搗篩每服三錢加至五錢匕水

壹大盞入生姜五片同煎至六分去滓溫

服食後臨臥

涼膈甘露丸治咽喉疼痛多痰

南鵬砂研半錢丹砂研一分竜腦一字甘草一兩

○聖濟總錄為細末川百藥煎鎚碎焙乾

右為細末研勻用糯米粥清和丸如梧桐

子大無時噙化一丸

消毒犀角飲子治大人小兒內蘊邪熱咽膈

不利痰涎壅嗽眼赤臉腫腮項結核癰腫毒

聚遍身風疹瘡毒赤癩及瘡疹已出未出不

能快透並皆治療

鼠粘子四斤荆芥穗二斤甘草一斤防風半斤

去蘆頭

右件為麤末每服三錢水一盞煎至七分

去滓溫服食後小兒疹豆欲出及已出熱

未解急進此藥三四服快透肌消毒應手神効

會仙救苦丹治咽喉閉塞不通有妨嚥物

揀甘草炒縮砂人白茯苓各烏魚

骨寒水石燒一管仲半南鵬砂一白姜

蠶兩麝香許象牙末錢右件為細末重羅麵糊為丸如雞頭大川

朱砂為衣每服一九嚥化嚥津勿得非傳

此方和取庚申甲子日

如聖丸治咽喉腫痛水漿不下

甘草生梗各一牛黃腦子各一

右為細末煉蜜和丸每兩作二十九每服

膏丸嚥化細細嚥津不拘時候

吹喉散治喉痺腫硬水漿不下

白礬半夏七芭豆七

右件露白礬坐半夏芭豆在汁中候汁乾

研為細末吹入喉中

青鵬砂散治咽喉赤腫疼痛不消有妨飲食

青鵬砂散治咽喉赤腫疼痛不消有妨飲食

青鵬砂散治咽喉赤腫疼痛不消有妨飲食

青鵬砂散治咽喉赤腫疼痛不消有妨飲食

青鵬砂散治咽喉赤腫疼痛不消有妨飲食

甘防風頭大蘆白茯苓去五倍子牙硝各四錢

甘草二兩薄荷葉兩四白礬紫河車各四錢

布件為細末每用半錢摻於患處如咽喉

疼痛用蜜水調半錢涼服

疔藥斬邪散治喉中腫痛不消及痰盛氣不

宣通

藜蘆七錢川芎半兩細辛二錢半草烏頭尖

一十箇

右為細末每用少許鼻內噴之

得効方

喉病

一十八種喉風證

一單蛾風其形圓如小筋頭大生於咽喉關

上或左或右關下難治

二雙蛾風有兩枚在喉關兩邊亦圓如小筋

頭大關下難治

三蟬舌風自舌下再生重舌者是

四牙耆風牙齦上聚成癰毒者

五木舌風其舌相似煮熟猪舌不能轉動者
六舌黃風自舌上腫痛黃色者是

七咬牙噤口風近牙窮頭作響口噤不開者
八魚口風如魚吸水者不治

九聚毒寒喉風喉關聚毒涎唾稠實發寒熱
仍分上下三關破毒下關難治

十玄者蠱毒風上睚食掩水外做形如雞卵
者

十一搶食風一名飛絲毒口中或食腥惡發

泡者

十二獵頰風腮臉結腫者是從牙窮頭碎此
毒若成須要半月調理

十三纏喉風風自耳邊過頤下赤色者是也
亦有寒熱如甚者傷人命

十四松子風口內滿喉赤如猪肝逆張吞則
關閉塞飲食不能者是用藥後口內散點

松子樣腫則喉關響如雷則不治
十五崩砂甘口風自舌上牙齦上下腫赤口

內作聾如湯熱牙齦漸爛甚者亦能脫齒
十六連珠風自舌上作毒或初成一箇碎而
又作一箇以至三五七九箇者是

十七蜂子毒或在腮臉洋爛或在喉關舌下
作聾妨黃荆蜂者是

十八走疰癰瘰風頸項結核五七箇皮膚赤
腫作寒熱者

實熱

一用敗毒散加黃芩半夏連翹倍用桔梗用

生薑薄荷煎痰盛者加石膏同煎即効凡
服此藥早晨服則午時攻作午後則子時
攻作天明退川針則無此攻作若服此藥
后自利即換作虛熱醫后藥不可用服敗
毒散后失聲即服加減秘傳降氣湯方見傷寒

門及諸氣門

二用生料消風散加玄參全蝎薄荷白水煎
服

三用前二藥不退用生料洗心散更加一二

味去風毒藥為妙

方見諸風門及積熱門

更用一二

四用前三藥不退用防風通聖散立效方見諸風門

虛熱

一用雙解散乃升麻葛根湯消風散加玄參

黃芩薄荷煎

二用秘傳降氣湯加生薑黃芩已上方見傷寒門及諸風

門諸氣門

三如痰盛用桑白皮湯磨沉香吞養正丹仍

用枳梗半夏湯冷木附湯等藥調理方見癩冷

門及諸瘡門諸濕門

又一證上秘下瀉用秘傳降氣湯吞碧雪衣

附子理中圓如無用桑白皮湯亦可方見諸氣

門及瘡冷門

虛實灌漱藥用消毒飲水煎時時灌漱方見諸瘡

門

咽喉生瘡令閉聲不出者秘傳降氣湯去陳皮加黃芩煎仍於喉下咽管口灸三壯即

愈方身諸氣門

勝金散治咽喉腫痛氣急諸項等證於內麝香旋入有孕者不可用麝不問冷熱虛實並皆通用若痰盛者如前藥內所用末應於中略加膽礬少許立效或吐無妨

鬱金叁兩 大朱砂 南雄黃其色勝如朱沙者妙各五錢

麝香 乾胭脂 菜豆粉各二錢半 白礬半生半枯

光粉各五錢

右為末研薄苛汁同研少許調服

防風散虛者少用實者多用

防風去蘆一兩 羌活 黃藥子 白藥子蜜炙 蠶炒 鵬砂 大黃紙裏煨令香熟 荆芥 細辛

川芎 紅內綃 鬱金 山豆根 甘草

已上各 牙硝錢叁 薄苛葉

右為末研薄苛汁同蜜少許調藥

玄明粉用朴消十斤防風壹斤煎水泡溶却用布併花葉紙澄濾七遍却於霜下露天露壹夜却取內牙消再用防風水淋漚淨

用瓦鉢熬煎成塩却再入鼎內用塩泥固
濟炭火燒壹時通紅爲度出火去毒研爲
末每一斤用甘草三兩每服一茶匙温熱
水調如實熱煩渴口乾燥作煩者可略加
鵬砂腦子入口噙化乾喉風立效

追風散

黃丹燒朴消入猪牙皂角燒縮砂殼各
右爲末每服少許以鵝毛蘸入口中舌上
下及腫處用水灌漱如喉間毒已破瘡口

痛者用猪腦髓蒸熟淡薑醋喫立効 如

病將可有身體痛於所服藥內加川秦艽

同煎効

死候毒氣歸心脣前腫滿氣煩促下部洞泄

不止

重舌木舌川烏尖巴豆爲末米醋調刷患處

卽効木舌須先服勝金散開關竅

帝鍾風卽喉間帝鍾長腫有長數寸者虛實

用前藥外以食塩煨過鴉毛蘸下卽消不

須掛破破則傷人

煮針法

烏頭壹兩巴豆兩硫黃兩麻黃錢五木鱉子

十烏梅

右川藥同入瓦石器內水煮一日洗擇之

再用止痛藥沒藥乳香當歸花蕊石各半

兩又如前水煮一日取出用皂角水洗再

於犬肉內煮壹日仍用瓦屑打磨淨端直

菘子油塗常近人氣為妙

合瘡口白礬黃丹麝香為末以銅筋點瘡口

止

又方滑石黃丹為末點瘡口効仍用黃各壹

二錢為散煎服尤妙

破毒妙方

白礬壹兩巴豆壹兩紅內消草烏尖豬牙

皂角薄苛各二錢

右為末好酸醋調鵝毛刷入口內勿吞仍

以煎湯灌漱

雄黃散治纏喉風喉閉先兩日胃膈氣緊取氣短促忽然咽喉腫痛手足厥氣閉不通頃刻不治

巴豆七粒 熟者去殼 燈上燒存性 乾桑黃

雄黃一塊 皂角角小子 鬱金一枚 蟬肚者 何為未

右再研勻每服半字茶清少許下如口噤

咽塞用小竹管納藥吹入喉中須臾吐利

即効

又方衛生易簡方 川升麻四兩 劉碎冰四粒

煎至壹椀灌下急救仙方同

取喉中涎

草烏尖 殭蠶 紫貝根 啾啾 江椒

白礬 山豆根 皂角各等分

右為末用霜梅拌藥為圓如指頭大含化一圓取下涎然後用鹽湯灌漱吐出不可吞

開關潤喉蓬萊雪

梅花腦子 生麝香各一錢 鵬砂二錢 朴硝五錢

已上薄苛葉 百藥煎 全蝎去毒 防風去

粉草各五錢 已明乳香 沒藥各三錢 膏或蘆葉

盛火製 別研

右為末每服少許以小匙挑乾糝咽間及瘡上如在關下糝舌上並旋旋嚥下仍用薄苛桔梗甘草煎水噙嗽或用生薄苛研自然汁調成膏入口噙化亦妙

開喉關

薄苛 山豆根各五錢 麝香 腦子各半錢 朱

沙錢各五錢 甘草 青蘆 川烏各五錢

右為末每用半錢臘月內菘菜汁夏月黃麥按水或葛水調如涕垂稠粘用巴蕉水宜調下或蜜圓指頭大含化

去涎方併碎 草烏 跌鴨 嘴 精 膽 礬 為末先用

醱醋煮皂角調鴨翎刷傅赤腫處開口流去涎即將絲毬一指頭大以布線繫定蘸前藥末吞嚥至腫毒處即抽出凡如此一二次其毒即被開引流出去盡涎血却以

藥錄

卷七

前合瘡口藥漿此停久溫塩水灌漱后進

食亦可吞服生肌膏或嚼餅出吐或一

又開喉關 蘇神海一餅能入只亦與寶藥

南星 半夏 附子 烏梅 草烏 甘草 各五

右為末用米醋煎成膏傅毒上或末吹

宣利方 雄黃 麝香 猪牙皂角水

巴豆 七粒 雄黃 麝香 猪牙皂角水

大黃 各五 雄黃 麝香 猪牙皂角水

右為末飯圓如棗豆大每七九五更三點

通後補助 以冷茶清吞下如未利再下四五圓

紫蘇 藿香 甘草 三四散或煎服

右判散每服四錢水煎空心服

乾喉風 朴硝 川烏 常歸 牛膝 各五 麝香 大

腦子 各半 鵬砂 各錢 荆芥 薄荷 甘草

葛粉 各五 全蝎 七個 艾葉 各五 甘草

右為末用清米泔調春用菘菓汁調夏黃

右為末用清米泔調春用菘菓汁調夏黃

類聚

卷七

麥汁調如不能吞用豆腐切如棊子塊蘸藥入口內含化或新艾汁調下立效

搶食風

桔梗 川烏 草烏 防風 甘草 大

青根 各五錢 全蝎 七個 紫河車 五錢

右為末每服用酒一盞連根葱一莖紅椒七粒燈心七莖同煎三四沸食后熱服如不安再用酒一盞入茱萸五粒同煎少時熱服之未效用蕉湯調下如落心肺間刺

痛用宣藥利下如久不治則變為飛絲勞毒能傷人命

潤關住痛生薄苛研蜜調成膏送入喉咽下立効如涎多未退再用如更不開可通項又用葱頭兩箇搥碎安牙窮頭處立開妙治誤吞銅鐵金石竹木刺雞鵝魚諸骨鯁

川山豆根 山蜈蚣 山茨菇 蕨靈仙 鐵脚 滑石 馬牙硝 金星鳳尾草 各乙 急性子 兩苧麻根 五錢 菘豆粉 五錢 甘草節 五錢

油浸磚五兩 製乙年

右為末白及五兩與糯米糊一處和劑成
鑿子如梧桐子大每用壹錠冷水磨化即
下骨哽若金石銅鐵則以生薑汁磨化下

骨鯁

骨鯁入喉以野苧根淨洗搗爛如泥每用龍
眼大如被鷄骨所傷以雞糞化下魚骨則
以魚汁化下醫方大成集成南北經驗
經驗祕方以苧根急救仙方同所鯁骨之

肉煎湯吞下

又方用金鳳花子嚼爛嚙下無子用根亦可

水灌嗽免損齒雞骨尤効林如詩不可長

通治諸哽以朴消研細對入雞蘇圓別圓如

彈子大仰臥含化不過三四圓救急仙方

自然化之永類鈔方

又方以南鵬砂新汲水滌洗噙化其骨脫然

而失永類鈔方

神效解毒圓收藏年深愈見神効

青靛花六兩 大黃四兩 山蘇根各四兩 朴消一兩 黃

藥子二兩 白藥二兩 自然銅四兩 貫衆一兩 山

梔子六兩 宣連一兩 楮實子三兩 山茨姑各二兩 白

滑石一斤十兩 鈎光石一兩 芭蕉自然汁一兩

右為末糯米糊和藥一千杵陰乾不可見

日不然析去渣料可作一千圓却用鈎光

石打光一兩 諸般骨鯁井水磨下一圓作勢

一吞即下 荅腮焮腫咽喉飛瘍清油調

水磨化 酒毒腸風下血薄苛湯 赤眼

腫痛井水 金蠶蠱毒黃連水 蛇犬蜂

螫蜈蚣毒用水磨塗傷處 誤吞竹木棘

刺井水諸般惡毒用新汲井水 其

獸骨鯁象牙梳或牙笏等磨小燕下桑木上

虫屑米醋煎灌漱自下 永類鈐方經 驗良方同

備急圓療心腹諸卒暴百病中惡客忤心腹

脹滿卒痛如刀所刺氣急口禁

乾薑一兩 巴豆二兩 法皮油二兩 大黃二兩

右爲末煉蜜圓梧桐子大每服三十圓不
拘時溫水下

誤吞蜈蚣以生豬血令病人喫須臾生清油
灌口中惡心其蜈蚣袞在血中吐出繼與
雄黃細研水服愈

誤吞銅物不能化者濃煎縮砂湯服其銅自
下又用生葶薺研爛服其銅自化經驗良方同
細研堅炭爲末米飲下於大便內瀉下如
烏梅狀

澹軒方

纏喉風

离蘆剪草共碾爲末用水調鵝毛繳入喉中
口拔出隨即有白痰吐出即愈分明离蘆
弔出惡故也此是絲入喉爲禍
急纏喉風要急看生凡等分直殭蠶蜜丸細
末教含化吐出痰涎即可安
急喉風與慢喉風艾汁濃煎大有功漱灌頻
頻涎自出不須求藥去無踪

喉痺

白凡壹兩半生枯清水濃調吐卽甦更有梳頭風屑好沸湯泡飲亦凡徒朴硝黃丹和粉紅竹管吹喉壹再通或有口閉不可入絲包巴豆塞鼻中牛膝草根生取研醋煎乾了團如錢絲包納入口中去會見須臾吐出涎倒摘茨根除外皮却取白皮和烏梅等分搗羅絲裹著喉中含化自能開

咽喉腫痛

直殭蠶末可通咽薑汁調和服壹錢末効平時加壹服須臾吐出盡頑涎

咽喉失音

杏人七箇去皮尖官桂藁姜等分煎煉蜜和元如彈子絲包含燕自通咽江茶湯點自如常生入麻油三滴香臨卧之時乘熱服聲音漸漸出咽吮槐花瓦上炒令香夜到三更仰上床拈取花來隨意食明朝聲響漸琅琅

骨鯁

骨鯁多將砂蜜吞桑灰拌飴可乾殮醋和野
苧根同搗絲裹口中消壹團預於午節拾
桑羊絲裹仍除背角其骨鯁細研調黑炭
皂角皮下去如亡濃煎貫衆連服之米飲
湯調黑炭皮皂角細羅吹入鼻三方去鯁
後方奇

魚骨鯁

食魚有骨能爲鯁口念鷓鴣鯁卽通或將魚

網覆頭上或將獺爪爬喉中便將魚骨安
頭上橫鯁豎安豎鯁橫倒著根頭抓鯁處
莫教人見去如行

魚骨諸藥不下

鳳仙花子水侵研溜藥匙頭送入咽藥汁損
牙休口呷若消魚骨去如鯁

髮鯁

誤將亂髮入咽喉鯁在喉中咽不流舊木油
梳燒壹隻酒調細末服隨休

竹篾鯁

篾鯁惟須竹裏求多年籬下亂根頭洗來急
水煎湯熟服後喉中去似流

誤吞針釘之類

木炭燒灰急擣羅米湯調服兩三盃不燃熟
艾濃煎汁連飲針釘也解推

誤吞錢及食桐油

誤吞錢入鯁咽喉呷取葶薺汁便休若食桐
油多嘔吐只殮乾柿也無憂

肘後方

治卒諸雜物鯁不下方

療骨鯁仍取所餘者骨左右手反覆擲背後

立出壽域神方同

雜物魚方解衣帶自窺下部不

下卽出壽域神方同

又方好蜜以匕抄稍稍咽之令下聖濟總錄衛生易簡

同方

斗門方治骨鯁用鹿角爲末含津嚥下妙

勝金方治小兒大人一切骨鯁或竹木簽刺
喉中不下方聖濟總錄名鯁煎於臘月中取鯁魚
膽懸北簷下令乾每魚鯁即取一皂子許
以酒總錄酒合煎化溫溫呷若得逆便吐骨
即隨頑涎出若未吐更喫溫酒但以吐為
妙總錄酒即隨性量力也若未出更煎一
塊子無不出者此藥但是鯁物在藏腑中
日久痛黃瘦甚者服之皆出若卒求鯁魚
不得蠶魚鮫魚鯽魚俱可臘月收之甚佳

壽域神方同

治卒誤吞諸物及患方

吞錢膈月米餛蝨服半升

又方濃煎艾汁服効

又方治小兒誤吞針用磁石如棗核大磨令

光鑽作竅絲穿令含針自出壽域神方同

治小兒誤吞銅鐵物在咽喉內不下用南燭

根燒細研熟水調一錢下之

錢相公篋中方療誤吞錢以磁石棗許大一

塊含之立出

又楊氏產乳藁耳頭一把以水一升浸水中

十餘度飲水愈

孫用和方治誤吞金銀或錢在腹內不下方

石灰一杏核大硫黃一皂子大同研為末

酒調下不計時候

衛生寶鑑

咽喉

發聲散治咽痛不妨嚥物嚥物則微痛不宜

用寒涼藥過泄之此妨悶明熱也

芫蕒一箇白殭蠶半兩

少

桔梗

新白者七錢半炒

甘草

二錢炒

右為末每用少許乾糝咽喉中若大腫痛

左右有紅或只一壁紅紫長大而水米不

下用此藥壹錢朴硝一錢匕和勻乾糝喉

中嚥津如喉中生赤腫或有小白頭瘡用

此藥一錢匕白礬半錢細研如粉和勻乾

糝之

三奇湯感寒語聲不出

桔梗參兩蜜甘草二兩半炒訶子大者四箇去核二箇

炮二箇生

右為末每服十錢匕入砂糖一小塊水五
錢煎至參蒸時時細呷一日服盡其聲速

出

玉粉丸治冬月寒痰結咽喉不利語音不出
鍼經云寒氣客於會厭卒然如瘧宜服玉粉
丸

桂一字草烏一字半夏洗五錢

右為末生薑自然汁浸蒸餅為丸雞頭大
每服一九玉機微義每大人一九至夜含化多年不
愈者亦效

肺熱喉腥治驗

梁濟民因膏梁而飲因勞心過度肺氣有傷
以致氣出腥臭唾涕稠粘口舌乾燥以
加減瀉白散主之難經云心主五臭入肺為
腥臭此其一也方

桑白皮 桔梗 各二錢 地骨皮 甘草 炙一錢

知母 七分 麥門冬 黃芩 各五分 五味子 二十箇

右咬咀作一服水二錢煎至一錢去粗溫

服食後忌酒麪辛熱之物日進二服 梁

氏膏梁之子因洪飲大熱之氣所傷滋溢

心火形於肺金故以桑白皮地骨皮苦微

寒降肺中伏火而補氣用以爲君黃芩知

母苦寒治氣息腥臭清利肺氣用以爲臣

肺欲收急食酸以收之五味子之酸溫以

收肺氣麥門冬甘苦寒治涕唾稠米口舌
乾燥用以爲佐桔梗體輕辛溫治痰逆利

咽膈爲使也

澹寮方

咽喉

華佗治閉喉風方其證先兩目氣緊暮然咽
痛腫或手足厥霎時氣閉不通多死也

巴豆 七粒 參粒生四粒熟生者雄黃 一塊

角子 去殼研熟者燈上燒存性 大研鬱金 蟬肚者 塊碾末

右三味為細末每半字茶清下兩呷許如
 喉閉用小竹筧吹入喉中須臾吐利即醒
 又方膽礬半巴豆叁七
 右建蒸內煨候巴焦以紙簞於磚上出火
 毒去巴只用膽礬為末每服壹字茶清調
 如口閉者幹開嚙

纏喉風方

蛇蛻炙當歸酒洗
 右為細末酒調二錢匕旋次嚙下專主喉

中如束氣不通者

一捻金散

鬱金叁錢藜蘆二錢巴豆一錢

右為末喉腫及食刺熱茶點壹錢骨哽乾
 嚙喉風薄荷茶下

治飛絲入口令人喉舌間生泡此最可畏只

用紫蘇葉細嚼白湯嚙下有效
彭氏良方
永類鈔

同方

凡人患喉閉及纏喉風用藥得開咽喉後可

通得湯水則急喫薄粥半碗或壹碗壓下
邪熱不壓卽病再來不可不知也咽喉既
可身熱頭疼不除此感外邪看脉氣及大
小便有表證則發汗有裏證則微下之皆
愈愈後虛喘而身不熱者必是服涼藥過
多而下虛也當服鎮重溫藥一服如黑錫
丹正一丹之類以粥壓之醫說
有人患纏喉風食不能下將大麥麩作稀糊
令嚥之既滑膩容易下咽以助胃氣本草
衍義

小麥作麩亦可第三磨者尤佳謂近麩也

小麥皮寒骨熱東藏器
本草

有人患咽喉腫痛下食不得身熱頭疼大便
不通衆醫之論紛然皆以謂熱當服涼藥
有善醫者云脉緊數是感寒氣所致衆醫
不從善醫者曰我有法驗得寒熱浴室中
生火用炒木葱湯淋浴若是病熱則此暖
處必有汗而咽喉痛不減若是感寒則無
汗患者信其言遂入浴淋洗而無汗就浴

室中服麻黃湯一服須臾大汗出大便通
卽時無事衆醫服其神凡辯熱病與感冷
皆可川此法醫餘

李王公主患喉癰數日痛腫飲食不下纔召
到醫官言須鍼刀開方得潰破公主聞用
鍼刀哭不肯治痛逼水穀不入忽有一苐
澤醫曰某不使刀鍼只用筆頭蘸藥癰上
霎時便潰公主喜遂令召之方兩次上藥
遂潰出膿血壹盞使寬兩日瘡無事令供

其方醫云乃以鍼繫筆心中輕輕刺破其
潰散爾別無方言醫者意也以意取効爾
名醫錄

治魚腮張成忠漢上人有女七八歲月將母

金鑲子雙剔齒含在口中不覺嚙下肩
膈疼不可忍憂惶無措忽銀匠來見云某
有藥可療歸取藥至米飲抄三錢令服來
早大便取下後問之乃羊脛炭壹物爲末
名醫錄百一選方亦云主骨體壹說治誤吞

錢尤妙或謂用銀匠所用者炭其實以炭煨化銀鐵之類卽前類推之義也

治骨體方焮夫子樹取根用醃醋煎濃汁時時呷嚙瑞山本公云曾有人被雞骨哽頸項腫大可畏用此斲至三椀忽吐出骨王九哥又云曾同彭醫官治骨哽取焮夫子樹根爛搥入焮少許用絲裹吞下牽引使於喉中上下往來忽然釣得骨出愚謂絲裹之法固妙猶當兼用醋煎斲法爲勝本

草集議云焮夫子樹根能軟鷄骨

醫方類聚卷之七十四